

ქ. თბილისი

ერთი მხრივ, ა(ა)იპ – ევროპის ახალგაზრდული ოლიმპიური ფესტივალის თბილისი 2015-ს საორგანიზაციო კომიტეტი, წარმოდგენილი თავმჯდომარის ალექსი ახვლედიანის სახით (შემდგომში წოდებული „შემსყიდველად“)
მისამართი: საქართველო, თბილისი, ძველი თბილისი რაიონი, მაჩაბლის ქ. №11;
საიდენტიფიკაციო კოდი: 404404211;

მეორე მხრივ შპს „ტელკო სისტემს“ წარმოდგენილი დირექტორის ირაკლი გულიაშვილის სახით, (შემდგომში წოდებული „მიმწოდებლად“)
მისამართი: საქართველო, ქ. თბილისის ვაკის რაიონში, ნუცუბიძის ქ., 221 კორპ. 1ა, ბ. 33
საიდენტიფიკაციო კოდი: 205203279;
საბანკო რეკვიზიტები: სს „ვითიბი ბანკი“ ა/ა GE54VT6600001212123602

ვხელმძღვანელობთ რა „სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „დ“ ქვეპუნქტითა და ა(ა)იპ „ევროპის ახალგაზრდული ოლიმპიური ფესტივალის „თბილისი 2015-ის“ საორგანიზაციო კომიტეტის“ მიერ სახელმწიფო შესყიდვის გამარტივებული შესყიდვის საშუალებით განხორციელების შესახებ“ საქართველოს მთავრობის 2014 წლის 29 დეკემბრის N2534 განკარგულების საფუძველზე, ვადასტურებთ, რომ გამარტივებული შესყიდვის საშუალებით ვდებთ წინამდებარე ხელშეკრულებას შემდეგზე:

მუხლი 1. ხელშეკრულების ტერმინთა განმარტება

- 1.1 მოცემულ ხელშეკრულებაში გამოყენებული ტერმინები და გამოთქმები ატარებენ იმავე მნიშვნელობებს, რაც მათ აქვთ მინიჭებული ხელშეკრულების საერთო პირობებში.
- 1.2. ხელშეკრულებაში გამოყენებულ ტერმინებს აქვთ შემდეგი მნიშვნელობა:
 - 1.2.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) შემსყიდველ ორგანიზაციასა და მოლაპარაკების შედეგად შერჩეულ პირს შორის დადებული ხელშეკრულება, რომელიც ხელმოწერილია მხარეთა მიერ.
 - 1.2.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულებისათვის.
 - 1.2.3. „შემსყიდველი ორგანიზაცია“ (შემდგომში – „შემსყიდველი“) – ორგანიზაცია (დაწესებულება), რომელიც ახორციელებს შესყიდვას.
 - 1.2.4. „მიმწოდებელი“ ნიშნავს პირს, რომელიც შემსყიდველთან მოლაპარაკების საფუძველზე აწვდის საქონელს მოცემული ხელშეკრულების ფარგლებში.
 - 1.2.5. „შესყიდვის ობიექტი“ – ხელშეკრულების მე-2 მუხლით გათვალისწინებული ხელშეკრულების საგანი.
 - 1.2.6. „დღე“, „კვირა“, „თვე“ ნიშნავს კალენდარულ დღეს, კვირას, თვეს.

მუხლი 2. ხელშეკრულების საგანი

- 2.1. ხელშეკრულების საგანს წარმოადგენს შემსყიდველისთვის შემდეგი საქონლის მიწოდება: 2 (ორი) ერთეული ქსელის კაბელი КПВ-ВП (350) 4*2*0, 51 (UPT-cat.5E) 305M (CPV- 32421000- ქსელის კაბელები);

მუხლი 3. მხარეთა უფლებები

- 3.1. „მიმწოდებელს“ უფლება აქვს:
 - 3.1.1. მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად;
 - 3.1.2. მოსთხოვოს შემსყიდველს ხელშეკრულებით გათვალისწინებული ვალდებულებების შესრულება.
- 3.2. „შემსყიდველს“ უფლება აქვს:

ოთხოვოს შესყიდვის ობიექტის მიწოდება და წინამდებარე ხელშეკრულებით განსაზღვრული ვალდებულებების შეტანა სრულად და ჯეროვნად, დათქმულ დროსა და ადგილას, ხელშეკრულებით გათვალისწინებული ხარისხის, რაოდენობის/მოცულობის, მახასიათებლებისა და ვადის შესაბამისად.

3.2.2. მოსთხოვოს მიმწოდებელს ხელშეკრულებით ნაკისრი ვალდებულებების შეუსრულებლობის ან/და არაჯეროვანი შესრულებით გამოწვეული ზიანის ანაზღაურება;

3.2.3. წერილობითი (მათ შორის ელ. ფოსტის მეშვეობით) ან/და ზეპირი ფორმით მისცეს მითითებები მიმწოდებელს ვალდებულებათა შესრულების თაობაზე. ამ სახით განხორციელებული მითითებები სავალდებულოა შესასრულებლად და წარმოადგენს წინამდებარე ხელშეკრულების ნაწილს, თუ მითითება განხორციელდა ხელშეკრულებით განსაზღვრული კონტროლის განხორციელებაზე უფლებამოსილი პირების მიერ.

3.2.4. აწარმოოს ხელშეკრულების პირობების შესრულების კონტროლი.

3.3. „მიმწოდებელი“ ვალდებულია:

3.3.1 დადგენილ ვადებში, უზრუნველყოს შესყიდვის ობიექტის მიწოდება ხელშეკრულებით დადგენილი პირობების შესაბამისად.

3.3.2. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

3.3.3. დაუყოვნებლივ აცნობოს შემსყიდველს წინამდებარე ხელშეკრულებით ნაკისრი ვალდებულებების შესრულების შეუძლებლობის ან შესრულების სავარაუდო დაგვიანების თაობაზე;

3.3.4. ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში და განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;

3.3.5. საკუთარი რესურსითა და ხარჯით აღმოფხვრას ხარვეზი, რომელიც გამოვლინდება საქონლის მიწოდებისა და მომსახურების გაწევისას. ხარვეზის აღმოფხვრისათვის შემსყიდველი მიმწოდებელს განუსაზღვრავს გონივრულ ვადას. აღნიშნული ვადის გასვლის შემდგომ შემსყიდველი უფლებამოსილია თავად გამოსწოროს ხარვეზი (ნაკლი). ხარვეზის აღმოფხვრისას შემსყიდველის მიერ გაწეული ხარჯი გამოიქვითება მიმწოდებლისათვის ასანაზღაურებელი თანხიდან. იმ შემთხვევაში, თუ ხარვეზის (ნაკლის) აღმოფხვრა შეუძლებელია ან დაკავშირებულია დიდ ძალისხმევასთან და შეუსაბამოდ ხანგრძლივ ვადებთან, შემსყიდველი უფლებამოსილია აღნიშნული ხარვეზის (ნაკლის) მქონე მომსახურების ღირებულება გამოქვითოს მიმწოდებლისათვის ასანაზღაურებელი თანხიდან და მოითხოვოს ხელშეკრულების შეწყვეტა;

3.3.6. კანონმდებლობით გათვალისწინებული სავალდებულო შემთხვევების გარდა, არ გაამჟღავნოს, არ გადასცეს მესამე პირს ან სხვა სახით არ დაუშვას წინამდებარე სახელშეკრულებო ურთიერთობის საფუძველზე შემსყიდველისა და აღნიშნული ხელშეკრულების შესახებ ან/და მისგან გამომდინარე მისთვის გადაცემული ნებისმიერი ინფორმაციის გავრცელება, მიუხედავად ინფორმაციის წერილობითი თუ ზეპირი ფორმისა. აღნიშნული ინფორმაციის კონფიდენციალურობის დაცვის ვალდებულება ვრცელდება ასევე ნებისმიერ პირზე, რომელიც მიმწოდებლის მხრიდან მონაწილეობას იღებს წინამდებარე ხელშეკრულებით ნაკისრი ვალდებულებების შესრულებაში. ინფორმაციის კონფიდენციალურობის დაცვის ვალდებულება ძალაში შედის ხელშეკრულებაზე ხელის მოწერისთანავე და მოქმედებს იქამდე, ვიდრე შემსყიდველი მისი გაუქმების თაობაზე არ გამოხატავს წერილობით თანხმობას. მიმწოდებლის ან/და ამ პუნქტით განსაზღვრული ნებისმიერი პირის მიერ ამ ვალდებულების დარღვევის შემთხვევაში მიმწოდებელი პასუხს აგებს ამ ხელშეკრულებითა და საქართველოს კანონმდებლობით დადგენილი წესით.

3.3.7. შემსყიდველის მოთხოვნისთანავე, ნებისმიერ დროს მიაწოდოს ინფორმაცია ვალდებულებათა შესრულების მიმდინარეობის შესახებ;

3.4. მიმწოდებელი აცხადებს, რომ გააჩნია შესაბამისი კვალიფიკაცია და გამოცდილება ხელშეკრულებით განსაზღვრული შესყიდვის ობიექტის მიწოდების სფეროში.

3.6. „შემსყიდველი“ ვალდებულია:

3.6.1 უზრუნველყოს „მიმწოდებლისათვის“ ხელშეკრულების ღირებულების გადახდა წინამდებარე ხელშეკრულების პირობების შესაბამისად.

3.6.2 დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

მუხლი 4. ხელშეკრულების ღირებულება

4.1. ხელშეკრულების მეორე მუხლში მითითებული შესყიდვის ობიექტის ჯამური ღირებულება შეადგენს 452,3 (ოთხას ორმოცდათორმეტი ლარი და ოცდაათი თეთრი) ლარს კერძოდ: - ერთი ერთეული კაბელის ღირებულება შეადგენს 226,15 (ორას ოცდაექვსი ლარი და თხუთმეტი თეთრი) ლარს.

4.2. ხელშეკრულების ღირებულება მოიცავს მიმწოდებლის ყველა ხარჯს და კანონმდებლობით გათვალისწინებულ ყველა გადასახადს, მათ შორის დღგ-ს.

მუხლი 5. ანგარიშსწორების წესი

5.1. შემსყიდველი იღებს ვალდებულებას, აუნაზღაუროს მიმწოდებელს ხელშეკრულებით განსაზღვრული შესყიდვის ობიექტის ღირებულება მიღება-ჩაბარების აქტის გაფორმებიდან და წინამდებარე ხელშეკრულების 6.4. პუნქტში მითითებული დოკუმენტაციის წარმოდგენიდან 20 (ოცი) სამუშაო დღის განმავლობაში.

5.2 ანგარიშსწორების ვალუტა - ლარი;

5.3. გადახდის ფორმა - უნაღდო; წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

მუხლი 6. შესყიდვის ობიექტის მიწოდების ადგილი, ვადები და მიღება-ჩაბარების წესი

6.1. შესყიდვის ობიექტის მიწოდებას უზრუნველყოფს „შემსყიდველი“ მხარე საკუთარი ხარჯებით.

6.2. შესყიდვის ობიექტის მიწოდების ადგილია ა(ა)იპ - ქ. თბილისი ქ. თბილისი პოლიტკოვსკაიას N8 ;

6.3. შესყიდვის ობიექტის მიწოდება უნდა განხორციელდეს არაუგვიანეს 2015 წლის 3 ივნისამდე.

6.4. საქონლის მოწოდებასთან ერთად მიმწოდებელი ვალდებულია უზრუნველყოს ყველა შესაბამისი დოკუმენტაციის წარდგენა შემსყიდველისათვის (სასაქონლო ზედნადები, საგადასახადო ანგარიშ-ფაქტურა (არსებობის შემთხვევაში).

6.5. შესყიდვის ობიექტის მიწოდება შესაძლებელია განხორციელდეს როგორც ერთიანად ისე ეტაპობრივად.

6.6. შესყიდვის ობიექტი ჩაითვლება მიღებულად მას შემდეგ, რაც მხარეებს შორის გაფორმდება მიღება-ჩაბარების აქტი. მიღება-ჩაბარების აქტი ფორმდება შესაბამისი ფინანსური დოკუმენტაციის სასაქონლო ზედნადების, საგადასახადო ანგარიშ-ფაქტურის (ასეთის არსებობის შემთხვევაში) წარდგენის შემდეგ.

მუხლი 7. ხელშეკრულების მოქმედების ვადები

წინამდებარე ხელშეკრულება ძალაში შედის მხარეთა უფლებამოსილი წარმომადგენლების მხრიდან ხელმოწერის დღიდან და მოქმედებს 2015 წლის 10 ივლისის ჩათვლით.

მუხლი 8. ხელშეკრულების პირობების შესრულების კონტროლი

8.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.

8.2. ხელშეკრულების პირობების შესრულების კონტროლს განახორციელებს შესყიდვების სამსახურის უფროსი - დავით დუმბაძე.

მუხლი 9. ხელშეკრულების შეწყვეტა

9.1 შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.

9.2 შემსყიდველი უფლებამოსილია შეწყვიტოს ხელშეკრულება მიმწოდებლისათვის, ვალდებულების შეუსრულებლობის შესახებ, წერილობითი შეტყობინების შემდეგ თუ:

- ა) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;
- ბ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებებით ნაკისრი ვალდებულებების შესრულებას;
- გ) საქართველოს კანონმდებლობით გათვალისწინებულ სხვა შემთხვევებში.

9.3. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

მუხლი 10. მხარეთა პასუხისმგებლობა

10.1. მხარეების მიერ ხელშეკრულებით გათვალისწინებული ვალდებულებების შეუსრულებლობა ან არაჯეროვანი შესრულება გამოიწვევს პასუხისმგებლობას საქართველოს კანონმდებლობის შესაბამისად.

10.2. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში მიმწოდებელს ეკისრება პირგასამტეხლო ხელშეკრულების ღირებულების 0,1%-ის ოდენობით ყოველ ვადაგადაცილებულ დღეზე.

10.3. თუ ხელშეკრულების რომელიმე მხარე დაარღვევს წინამდებარე ხელშეკრულებით გათვალისწინებულ ვალდებულებას, მეორე მხარეს უფლება აქვს მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშუდგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნეს დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

10.4. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომლის მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით, საქართველოს კანონმდებლობის შესაბამისად.

მუხლი 11. ფორს-მაჟორი

11.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

11.2 ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

11.3 ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

მუხლი 12. ხელშეკრულების პირობების გადასინჯვის წესი

12.1. ხელშეკრულების პირობების, მათ შორის, ფასების გადასინჯვა შესაძლებელია იმ შემთხვევაში, თუ ის გარემოებები, რომლებიც ხელშეკრულების დადების საფუძველი გახდა, ხელშეკრულების დადების შემდეგ აშკარად შეიცვალა და მხარეები არ დადებდნენ ამ ხელშეკრულებას ან დადებდნენ სხვა შინაარსით, ეს ცვლილებები რომ გაეთვალისწინებინათ.

12.2 ამ ხელშეკრულების 12.1. პუნქტით განსაზღვრულ შემთხვევაში შეძლება მოთხოვნილ იქნეს ხელშეკრულების მისადაგება შეცვლილი გარემოებებისადმი.

12.3 გარემოებათა შეცვლას უთანაბრდება, როცა წარმოდგენები, რომლებიც ხელშეკრულების საფუძველი გახდა, არასწორი აღმოჩნდა.

12.4. წინამდებარე ხელშეკრულების პირობების შეცვლა არ დაიშვება, თუ ეს გამოიწვევს ხელშეკრულების ფასის გაზრდას ან შემსყიდველისათვის ხელშეკრულების პირობების გაუარესებას, გარდა ამ ხელშეკრულების 12.1, 12.2. და 12.3. პუნქტებით განსაზღვრული შემთხვევებისა

მუხლი 13. ხელშეკრულებაში ცვლილებებისა და დამატებების შეტანის წესი

13.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ამის შესახებ წერილობით შეატყობინოს მეორე მხარეს.

5

13.2 ხელშეკრულებაში ცვლილებებისა და დამატებების შეტანა დასაშვებია მხოლოდ მხარეთა წერილობითი შეთანხმებით, მხარეების ან მათ მიერ უფლებამოსილი პირების მიერ, რომელიც ჩაითვლება ხელშეკრულების განუყოფელ ნაწილად.

მუხლი 14. ხელშეკრულების შესრულების შეფერხება

14.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებას, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოწვევი მიზეზების შესახებ.
 14.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

მუხლი 15. სადავო საკითხების გადაწყვეტა

15.1. „შემსყიდველმა“ და „მიმწოდებელმა“ ხელშეკრულების ან მასთან დაკავშირებული გარემოებების ირგვლივ წარმოშობილი ყველა უთანხმოება და დავა უნდა მოაგვარონ ურთიერთშეთანხმების გზით.
 15.2. მხარეებს, სადავო საკითხის შეთანხმების გზით მოგვარების შეუძლებლობის შემთხვევაში კანონმდებლობით დადგენილი წესით, შეუძლიათ მიმართონ საქართველოს სასამართლოს.

მუხლი 16. ხელშეკრულების ენა

16.1. ხელშეკრულება და მასთან დაკავშირებული ყველა მოლაპარაკებები და სხვა დოკუმენტაცია, რომლებიც გაიცვლება მხარეთა შორის, ფორმდება ქართულ ენაზე.

მუხლი 17. განსაკუთრებული პირობები

17.1. ხელშეკრულება შედგენილია 2 ეგზემპლარად და თითოეულ მათგანს აქვს თანაბარი იურიდიული ძალა.
 17.2. ხელშეკრულების ერთი ეგზემპლარი ინახება „მიმწოდებელთან“, ერთი ეგზემპლარი – „შემსყიდველთან“.

მხარეთა რეკვიზიტები:

| | | |
|---|---|--|
| <p>ა(ა)იპ „ევროპის ახალგაზრდული ოლიმპიური ფესტივალის თბილისი 2015–ს საორგანიზაციო კომიტეტი“</p> |  | <p>შპს „ტელკო სისტემს“</p> |
| <p>ალექსი ახვლედიანი თავმჯდომარე</p> |  | <p>ირაკლი გულიაშვილი დირექტორი</p>  |

ს. შან-ა. სპირაძე

მიღება - ჩაბარების აქტი

ქ. თბილისი

1 ივნისი 2015წ.

ერთი მხრივ, ა(ა)იპ „ევროპის ახალგაზრდული ოლიმპიური ფესტივალი თბილისი 2015–ს საორგანიზაციო კომიტეტი“, წარმოდგენილი თავმჯდომარის ალექსი ახვლედიანის სახით და მეორე მხრივ, შპს „ტელკო სისტემს“ წარმოდგენილი დირექტორის ირაკლი გულიაშვილის სახით ვადგენთ მიღება-ჩაბარების აქტს შემდეგზე:

1. მხარეებს შორის 2015 წლის 28 მაისს გაფორმებული სახელმწიფო შესყიდვის შესახებ ხელშეკრულების (N280515/6) თანახმად, „მიმწოდებელმა“ მიაწოდა, ხოლო „შემსყიდველმა“ მიიღო შემდეგი საქონელი:

1.1 2 (ორი) ერთეული ქსელის კაბელი КПВ-ВП (350) 4*2*0, 54 (UPT-cat.5E) 305M (CPV- 32421000- ქსელის კაბელები)

2. მხარეებს შორის 2015 წლის 28 მაისს გაფორმებული სახელმწიფო შესყიდვის შესახებ ხელშეკრულების თანახმად, გაწეული მომსახურების ღირებულება შეადგენს **452,3** (ოთხას ორმოცდათორმეტი ლარი და ოცდაათი თეთრი) ლარს, საქართველოს კანონმდებლობით გათვალისწინებული გადასახადების ჩათვლით.

3. მომსახურება გაწეულია ხარისხიანად და აკმაყოფილებს ხელშეკრულების პირობებს, რაზეც ხელს ვაწერთ.

ა(ა)იპ „ევროპის ახალგაზრდული ოლიმპიური ფესტივალი თბილისი 2015–ს საორგანიზაციო კომიტეტის“ თავმჯდომარე


 ა. ახვლედიანი

შპს „ტელკო სისტემს“ დირექტორი


 ი. გულიაშვილი

1 სასაქონლო ზედნადები № ელ- 0176446684

2 01/06/2015
თარიღი (რიცხვი, თვე, წელი)

3 16:41:24
დრო (საათი, წუთი)

4 მკს ტელეკომ სისტემს 205203279
გამყიდველის (გამგზავნის) დასახელება, ან სახელი და გვარი
საიდენტიფიკაციო / პირადი ნომერი

5 ევროპის ახალგაზრდული ოლიმპიური ფესტივალის თბილისი 2015-ს საორგანიზაციო კომიტეტი 404404211
მყიდველის (მიმღების) დასახელება, ან სახელი და გვარი
საიდენტიფიკაციო / პირადი ნომერი

6 ოპერაციის მონარსი ტრანსპორტირებით
მიწოდების სახე

7 პოლიტოკოვსკაიას 8 ნომერი 2
ტრანსპორტირების დაწყების ადგილი (მისამართი)

8 თბილისი, წერეთლის 95ა
ტრანსპორტირების დასრულების ადგილი (მისამართი)

9 საავტომობილო
ტრანსპორტირების სახე

10 KCK916
სატრანსპორტო საშუალების სახელმწიფო ნომერი

11 სატრანსპორტო საშუალების მძღოლის პირადი ნომერი 60001141432

12 გამყიდველის (გამგზავნის) / მყიდველის (მიმღების) მიერ გაწეული ტრანსპორტირების ხარჯი 0.00
თანხა ლარებში

სასაქონლო ზედნადების ცხრილი

| რიგითი N | საქონლის დასახელება | საქონლის კოდი | საქონლის ზომის ერთეული | საქონლის რაოდენობა | საქონლის ერთეულის ფასი* | საქონლის ფასი* |
|----------|---|---------------|------------------------|--------------------|-------------------------|----------------|
| I | II | III | IV | V | VI | VII |
| 1 | КПВ-ВП (350) 4*2*0,51 (UTP-cat.5E) 305M | 10044 | ცალი | 2 | 226.15 | 452.30 |
| | | | | | | |
| | | | | | | |
| | | | | | | |
| | | | | | | |
| | | | | | | |
| | | | | | | |
| | | | | | | |

13 452.3 - ოთხას ორმოცდათორმეტი ლარი და 30 თეთრი
მიწოდებული საქონლის მთლიანი თანხა (ციფრებით და სიტყვიერად)

14 გამყიდველი (გამგზავნი) - საქონლის ჩაბარებაზე უფლებამოსილი პირი (თანამდებობა, სახელი და გვარი)

15 მყიდველი (მიმღები) - საქონლის მიღებაზე უფლებამოსილი პირი (თანამდებობა, სახელი და გვარი)

16 ხელმოწერა

17 ხელმოწერა



18 მიწოდებული საქონლის ჩაბარების თარიღი (რიცხვი, თვე, წელი) დრო (საათი, წუთი)

19 მენიშენა

* დღგ-ს გადამხდელისათვის დღგ-ს ჩათვლით, აქციზის გადამხდელისათვის აქციზურ საქონელზე, დღგ-ს და აქციზის ჩათვლით